



ЛЕЗГИ Газет

Жуван Ватан, ватанэглияр,
дидед чIал хуьх!



Сурдлимпиадин чемпион Р.Аскеров тренер Т.Къурбановахъ галаз

1920 – йисалай акъатзава

№ 33 (10782) хемис 17 – август, 2017 – йис WWW.LEZGIGAZET.RU

Къимет “Дагпечатдин” киоскрай – 16 манат

Шейхдин сурал зиярат

Мегъамед Ярагъидин сур-зиярат михьйдаказ, гъурметдивди хуьзва. Ам чкадин гъар са агъалидин бейнида несилриз дуьз рехъ къалурзавай чирагъ хъиз ава.



Зияратчийрихъ гъар йисуз Мегъамед Ярагъидин сурал фидай фикир ава

Эмираслан ШЕРИФАЛИЕВ

Пакамахъ фад Махачкъаладай, Къиблепатан Дагъустандай экъечIна Левашада кIватI хъана, Гуниб район галайвал рекъе гъатай машинрин яргъи циргъ чкадин агъалийри еке итиж аваз къабулзавай. Зияратдал атанвайбурун гилера авай Мегъамед Ярагъидин шиклар алай пайдахар гарал къугъвазвай. Дагъдин тик рекъерай, тамарай физвай чун Согъратл хуьруьв агакъна. Къадим хуьруьн дар куьчейра улаквар гъакъ хъийизмачир. Яргъарай атанвай мугъманрин муррад Мегъамед Ярагъидин сурал зиярат авун тир. Согъратлдин агъсакълри чун хушдиз къабулна. Абуру чеб Мегъамед Ярагъидин - Кавказдин машгъур шейхдин, Дагъустандин пуд имамдин муаллимдин невяяр иниз атунал шад тирди лагъана.

- Мегъамед Ярагъи - Дагъустандин халкъар дуьз рекъел гъайи, гзаф савадлу ва камаллу кас тир. Уьмуьрдин эхиримжи йисара ам Согъратлда яшамаш хъана. Ам ярагъви, дагъустанви ва, къилинди, зурба алим, нахшибандий тарикъатдин шейх тир. И кар чун - алай несилдин векилар патал важиблу я, - къейдна агъсакълрикой сада.

Согъратлдин куьгъне сурарин патав вири кIватI хъайидалай къулухъ мугъманар дуьаяр кIелиз-кIелиз, зикир ийиз-ийиз Ярагъидин сур галайвал фена. Атир галай

жуьреба-жуьре векъер-къалар экъечIзавай дагъдин тик чиник чIехи шейхдин сурал кIвал-минара туькIуьрнава, патаривни гъа девирдин куьгъне сурар гва. Къванерал араб ва урус гъарфаралди тIварар, йисар, бязибурукай алава делиларни атIанва.

Зияратдал кIватI хъанвайбурухъ элкъевена Дагъустан Республикадин Муфтиятдин Дербент шегъерда ва районда кардик квай просвещенидин отделдин

Гуьгъунлай зияратдал атанвайбуру сурара эцигнавай кIвализ физ, Мегъамед Ярагъидин тIварунихъ дуьаяр кIелна. Вирида зиярат авурдалай къулухъ, мугъманар ва чкадин агъалияр хуьруьн мискинда нисинин кIлунал кIватI хъхъана.

Серенжемдик къил кутурбуру, ам тешкилайбуру Мегъамед Ярагъидин ругуд лагъай невяяр - Агъмад гъажи Мегъамедов ва Мурад Гъамидов я. Абурун мурад неси-

» Атир галай жуьреба-жуьре векъер-къалар экъечIзавай дагъдин тик чиник чIехи шейхдин сурал зурба кIвал, минара туькIуьрнава, патаривни гъа девирдин куьгъне сурар гва...

регъбер Къурбан гъажи Рамазанов, Каспийск шегъердин жуьмя мискиндин имам Сулейман Тагъибегов, Мегъарамдхуьруьн райондин имам Агъмад гъажи Мегъамедов ва масабур рахана. Абуру чи баркаллу ватанэгълидин уьмуьрдикай, алимвиллин, шейхвиллин, имамвиллин рекъикай, адан муаллимрикайни сухтайрикай, алай девирдикай ва къиле физвай вакъийрикай гегъенш суьгъбетарна. Жегъилар дуьз рекъелай алат тавун патал вирида къува тар сад авун, ягълмиш жезвайбуру гъавурдик кутун, Ислам диндин дуьз рехъ, шейх Ярагъ Мегъамеда къалурнавай, ада ишигъ куькIуьрнавай гъакъикъи рехъ давамарун меслятна.

лар Исламдин къанунрал амалдайбуру, бубайрин, халкъдин тарих чизвайбуру яз чIехи хъун я. Малум хъайивал, шейх Мегъамедан сурал Мегъарамдхуьруьн райондин векилар гъар йисуз физва. И сеферда лагъайтIа, иниз Махачкъала, Каспийск, Дербент шегъеррай, Къиблепатан Дагъустандин вири районрай, Хасавюрт райондин Цийи Къурушрин хуьряй цIудралди машина атанвай.

Къуй дуьньяда ислегъвал, гъурмет хуьрай! Им, зи фикирдалди, гъар са касдин эрзиман мурад я.

Къудрат Алиеван шикларин репортаждиз чи сайтдай килигиз жедат.

Нумрадай кIела:

ОБЩЕСТВО

Суддин гъукум

Къел тIуьрда ядни хъун лазим я луьгъдайвал, тахсиркарвал авурдав вичиз къевезвай жазани агакъарун чарасуз я. Амма гъутаралди, гужаралди тахсир хиве къаз таз ваъ, Конституциядин, закондин истемешунрин бинедаллаз.

► 4

УЬМУЬР

Рехъ туькIуьр хъувун...

Районэгълийри КъелIур-Къазмайрилай Кучун-Къазмайрал къедалди 3-3,5 километрдин рекъин участок ремонтна куьтягъун истемешна. Дагавтодордин векипри гъиле авай йисан 25-августдалди чкадал талукъ тир техника гъун ва рекъе къир цунин кIвалахар гъиле авай йисан октябрдин эхирдалди акълтарун хиве къуна.

► 7

ЭКОНОМИКА

Нехв – “Гележегдин сагълам хуьрек”

Вилик йисара нехв канвай никлерин гъар са гектардай 12-13 центнер бегъер вахчузвай. Республикадин юкъван дережда гъисаба къуртIа, им пис нетижа я луьгуз жедач. Алай йисуз никлера менфятлу и техилдин тарифдин бегъер битмиш хъанва, гектардин бегъерлувили 20 центнер тешкилзава.

► 8

САГЪЛАМВАЛ

Чухутка: мукъаят жен!

Чухуткадин палочка нефесдин органрай ратариз, ивидиз, анрайни вири органриз фена, абурукай са органда, гзафни-гзаф жигерра, дуркIунра, кIарабра артмиш жез башламишда. ВОЗ-дин делилралди, гъар йисуз дуьньяда и уьзуьрдик 9 млн кас азарлу, абурукай 5 агъзур кас телеф жезва. И кардихъ вичин себебарни ава...

► 9

МЕДЕНИЯТ

Ялцугъви “Мичурин”

Ахъегъ райондин Мугъулат дереда гзаф хуьрер авай, абурукай сад - Ялцугъар. Ялцугърин хуьр эвлия, пак ксаралди, жегъералди, алимралди машгъур чка я. Ахътинбурун арада вичиз ялцугъви “Мичурин” луьгуз хъайи Исмаил ДЕМИРОВНИ ава.

► 10

МЕДЕНИЯТ

Дербентдин къеледин везифаяр

Хейлин тарихчийри къейдзавайвал, Дербентдин къеледихъ къилин са макъсад авай: къецепатан душманрин гъужумрикай хуьн. Амма къеледин проектдиз къетлендиз килигайла ашкара жезвайвал, къеле анжах гъужумрикай хуьн патал эцигнавачир.

► 15



Советниквиле тайнарнава

Дагъустандин Кьил Рамазан Абдулатипован 2017-йисан 5-июлдиз акъуднавай 155-нумрадин Указдал асаслу яз, Месафенди Абдулмежидович ВЕЛИМУРАДОВ РД-дин хуьрун майишатдин ва суьрсетдин министрдин везифайрикай азаднай.

Мукъвара Дагъустандин Кьилин официальный сайтда эцигнавай 92-рг Тапшуругъдай малум жезвайвал, Мусафенди Абдулмежидович Велимурадов РД-дин Кьилин советниквиле тайнарнава.

Кар алай проектар - уьмуьрдиз

Кьетлен фикир гузва

Дашдемир ШЕРИФАЛИЕВ

Ахцегъа Дагъустан Республика вилик тухунин кар алай проектар районда уьмуьрдиз кечирмишзавай гьалдиз талукь семинар-совещание киле фена. Адан кьвалахда РД-дин Кьилин ва Гьукуматдин Администрациядин руководителдин заместитель Темирлан Шабанова, гьа и Администрациядин проектрин кьвалах тешкилдай управленидин начальник Мегьамед Абидова, консультант Булатхан Арсланова, республикадин хуьрун майишатдин министерствода чилер ишлемешунин кьайдайрал гуьзчивалдай отделдин начальник Жамбулат Шайбова, райондин руководстводи, идарайринни карханайрин руководителри, хуьрерин администрацийрин кьилери иштиракна.



Мярекат, "Ахцегъ район" муниципалитетдин кьил Осман Абдулкеримова ачухна ва рахун патал сифте гаф Темирлан Шабановаз гана.

- Чун куь райондиз атуниин себеп - кар алай проектар уьмуьрдиз кечирмишзавай гьалдихъ галаз чкайрал таниш хьун, и жигьетдай квехъ яб акалун, арадал кьезвай суалриз жавабар гун ва кьез алакьдай кумекун я, - башламишна ада вичин рахунар. - Муниципалитетра гиле кьунвай проектрин менфятлувилиз кьимет гун ва абур республикадин 2018-йисан бюджетдик кутун патал республикадин гьукуматда са шумуд хилляй (агьалийриз яшайишдин кьулай шартлар яратмишунай, рекьер гуьнгуниз хкунай, хуьрун майишатдин производство артмишунай) махсус улчмеяр-индикаторар тайнарнава. Абурун кумекдалди чкайрал тешкилнавай кьвалах ахтармишун патал 2-3 йикъан кьене чна, кьве дестедиз пай хьана, республикадин вири района кьвалахзава...

Райадминистрациядин крар идара ийизвайди тир Вадим Агъасиева кьейд авурвал, муниципалитетда "Государстводи менфятлу-даказ идара авун" проект уьмуьрдиз кечирмишуналди, 2016-йисуз ва гилевай йисан сифте паюна районда бюджетдин хейлин такьатар кьенят авунва. Райадминистрациядин официальный сайтда "Общественный надзор" ва герек маса порталар кардик ква. Амма, гьайф хьи, кьени Ялахьрин, Фиярин, Гутумрин, Хинерин хуьрерихъ галаз я Интернетдин, я мобильный телефонрин алакьа дуьзмишиз тахьуни четинвилер арадал гьизва...

"Экономика лацуди авун" кар алай проектдиз талукь яз районда киле тухузвай кьвалахдикай ва авай четинвилерикай гегьенш суьбьбет муниципалитетдин кьилин заместитель Мегьамедрауф Гъаниева авуна. Адан гафарай, 2016-йисуз райондин сад тир бюджетдиз 131 миллион манат (тайнарнавай пландин 110%), 2017-йисан сифте паюна 60

миллионни 700 агъзур манат пул гьанва. Чилерин участокар ва капитальный эцигунар (ОКС) актуализироватунин планар артухни алаз ацурнава. 2016-йисуз регистрация тавуна кьвалахзавай 82 кас ва ции 78 кас дуьздак акъудна учётдиз кьачунва. Алава яз, кьвалахдай 67 чка арадал гьанва. Районгьилийрин яшайишдинни экономикадин гьалар хъсанарун патал хсуси инвестицияр желбзава...

Яшайиш ва экономика вилик тухунин саки вири рекьерай район виликбурун жергеда аватлани, вучиз ятлани, республикада и кар кьейдзава. Бюджетдин такьатарни гьамиша дуьздаказ пайзава. Четинвилерикай рахайтла, районда банк авач: налог гун патал 100 километрдин мензилдиз фена-хтана кланзава. Гьасилзавай хуьрун майишатдин суьрсет маса гуз жезвач. Ции бегьерлу йис я, агьалийриз чавай кумек кланзава. Гьайванар хуьзвай

дагъдин уьруьшрилай чилин еке налогар истемиззава: 1000 гектардилай йиса - 161 агъзур манат. СП-рин кьилери хсуси инвесторар желбуналди ва жемьтдин кумекдалди хуьрер аваданламишзаватлани, ции кьуд вацра абуруз гьукуматдин дотацияр атанвач. Вири документар кьайдада аватлани, гьар жуьре багнайралди Луткунрин хуьре школа эцигдай чил регистрация ийизвач ва ик мад.

"Савадлу Дагъустан" кар алай проект уьмуьрдиз кечирмишун патал киле тухузвай кьвалахдин гьакьиндай доклад райондин кьилин заместитель Алмас Шуаева авуна. Ада кьейдна хьи, райондин школайра 3 агъзуралай артух аялри клелзава. Абурукай 2275 аял алава чирвилерин идарайриз кьезва. Ции 165 жегьилди ЕГЭ ва 9-класс куьтягьай 302 аялди ОГЭ, умуми нетижаяр республикадин дережадилай хъсан яз, вахгана. Шаз 27 кас аттестатар авачиз амуькьнатла, ции анжах 8 касдивай абур вахчуз хъанач. Районда гьевчи аялар бахчайралди таьминариз жезвач. Райондин больницадин, культурадин идарайрин саки вири дараматар хаталу ва я капитальный ремонтар истемиззавай гьалда ава...

Муниципалитетдин кьил Осман Абдулкеримов кар алай проектриз талукь яз районда киле тухузвай кьвалахрикай рахана. "Алай вахтунда чна районгьили карчийрин кумекдалди хуьрун майишатдин производство артмишуниз кьетлен фикир гузва. Кьилди кьачуртла, ции махсус лимонарий, гьайванар тукьвадай ва як гьалдай цех кардик кутада ва менфятлу бязи маса проектрин документар тукьлуьрзава", - алава хъувуна ада.

Мугьманри залда авайбурун хейлин суалриз рази жедай жавабар гана. Кар алай проектар уьмуьрдиз кечирмишунин мураддалди веревирд авур месэлайрай райондин руководстводин ва пешекаррин теклифар РД-дин Кьилин ва Гьукуматдин администрациядиз рекье твадай меслят хьана.

Кьевелай таькимарна

"Кьурагъ район" МР-дин кьил Замир Азизован регьбервилек кваз мукъвара киле фейи совещанида райондин администрациядин аппаратдин кьуллугъчийри, хуьрерин муниципалитетрин кьилери ва секретарри иштиракна.

Райадминистрациядин пресс-кьуллугъди хабар гузвайвал, совещанидал район патал важиблу месэлаяр гьална: "Хуьрерин поселенийрин сайтрин кьвалах тешкилуни гьакьиндай"; "Государстводин кьуллугъар ийизвай сад тир порталда агьалияр регистрация авунин кьвалах тешкилуни гьакьиндай"; "Руководителри чпел тапшурмишай крар кьилиз акъудунин низамдин гьакьиндай".

Сад лагъай месэладин жигьетдай системный администратор Замир Наврузова лагъайвал, вири поселенийрин сайт кардик кутунватлани, абур буш я ва чкайрал киле физвай вакияйрикай малуматарни эцигзава. Я сайтрин гьакьиндай жавабарвал хиве авай ксарни тайнарнавач. Сад тир порталда агьалияр регистрация авунин месэлали татугай гьалда ава.

Райондин администрациядин аппаратдин руководитель Фикрет Медетова талукь документар электронный кьайдада санай-масаниз рекье твадайвал кьвалах тешкилун лазим тирдакай лагъана. Ада хуьрерин поселенийрин кьилеривай куьгьне компьютерар цийибуралди эве-

зун ва са куьруь вахтунда электронный кьайдайрал элячлун истемизшна.

Райондин администрациядин кьилин заместитель Махач Хариева кьейд авурвал, Алашдин, Ашарин, Гельхенрин, Кьутулрин, Кьирийрин ва гьакь маса поселенийрин кьилерини чпел тапшурмишнавай бязи крар кьилиз акъудзава. Абуру районда тешкилзавай культурадин, спортдин кар алай мярекатра иштиракзава. Бязи хуьрерин поселенийрин кьилери райондин администрация-



дай ракурзавай важиблу чарар эхирдалди клелзава ва анра кьалурнавай крар кьилиз акъудунин гьакьиндай вахтунда хабарни гузвач.

Совещанидин нетижаяр кьадайла, Замир Азизова хуьрерин поселенийрин кьилер кьейднавай татугайвилер кьве гьафтедин вахтунда арадай акъудунин гьакьиндай таькимарна. Гьа са вахтунда вичин заместителрал ва хуьрерин администрацийрин кьилерал налогар клватзавай кардални гуьзчивал тухун тапшурмишна.

Нетижаяр кьуна

Дашдемир ШЕРИФАЛИЕВ

Ахцегъ райадминистрациядин залда райондин активдин нубатдин совещание хьана. "Ахцегъ район" муниципалитетдин кьил Осман Абдулкеримова лагана.



- Гьурметлу юлдашар, эвелимжи нубатда, лезгийрин игитвилдин "Шарвили" эпосдин сувар чалай куь кумекдалди вини дережадин тешкиллувал аваз киле тухуз алакьна, сагьрай! Мугьманриз кьадин Ахцегъ шегьердал абур хкьезвайди, и четин девирда яшайишдинни экономикадин ва культурадин хилера хъсанвилехъ дегишвилер жезвайди ахуна. Гьелбетда, и агалкьунрик чи ватандаш карчийрин зегьметдни пайни. Кьвед лагъайди, чи вилик райцентр хъвадай целди таьминаруни везифа ква. Кьилин чешмеира бес кьадарда яд аватлани, ам вирибуруз бес жезвач. Парабур, чпиз яд хьайила кьуншидикай фикир тийиз, хъвадай целди салар дигизва, машинар чухъуьзва. И кьайдасузилерал эхир эцигун патал чна магистральный цин турбадик ихтиярсудзаказ кутунвай кьван кранар атлузва. Кьведай йисан 1-январдилай кьуватда гьатзавай РФ-дин Законди истемиззавайвал, инсанри яд ишлемишунай махсус икьрар кутлунун ва цин кранар счётчикар эцигун лазим я.

Налогар клватлуниин ва чилерни капитальный эцигунар актуализироватунин месэладай пешекар Азади Моллалиева малумарайвал, исята санлай районди налогин пландин тапшуругъар эменидай 91,5 процентдин, чилин налогдай 77 процентдин тамамарнава. Капитальный эцигунар ва чилин участокар актуализироватунин планар, талукь тирвал, гьелелиг 58% ва 52%-дин ацурнава.

Райадминистрациядин кьилин заместитель Алмас Шуаева вичин рахунар райондин образованидин идарайрин уставрик дегишвилер кухтун лазим тирдакай лагъана. "20-июлдиз киле тухвай ахтармишунри кьалурайвал, чи образованидин идарайра (31-кай 20 мектебар я) кьвалах эцигнавай тегьер РФ-дин образованидин гьакьиндай закондив кьазвач. Октябрдин вацрлентдай курсар клел хъувун ва аттестацийра иштиракун лазим я", - лагъана ада.

Муниципалитетдин умуми отделдин начальник Алимирза Османова залда авайбурун фикир районгьилияр государстводи ийизвай кьуллугърин порталда вахтунда регистрация авунин, СП-рин кьилери райадминистрациядин официальный сайтда малуматар гьакь СП-рин уставарни закондив кьадайди хъвадай чпел ва чкайрал халкьдин арзайриз вахтунда килигунин месэлайрал желбна.

Эхирдай Ахцегъ муниципалитетдин регьбер Осман Абдулкеримова совещанидал веревирд авур вири и месэлайрай СП-рин кьилеризни идарайринни карханайрин руководителриз талукь тир тапшуругъар гана.



Министрди къабулна

12-августдиз РД-дин хуьруьн майишатдин ва суьрсетдин министр Керимхан Абасова агъалияр къабулна. Идан гьакъиндай "Лезги газетдиз" министерстводин пресс-къуллугъди хабар гана.

Гуьруьшда министрдин меслятичи Шамил Мегьамедова хуьрерин мулкар дурумлудаказ еримлу авунин ва майишат кьиле тухунин гьечли жуьрейрин къурулушрин управленидин начальникни Абзагьир Гьуьсейнова, малдарвал еримлу авунин отделдин начальникни Юсуф Юсуфова, правовой отделдин начальникдин заместитель Руслан Агьмедова, чилиз талукь алакьайрин отделдин ва гьечли карчивилин, уьзумчивилин ва багьманчивилин субъектар еримлу авунин отделдин векилри иштиракна.

Гуьруьшдиз атанвай агъалийри кьвалахдик сифте яз экечизавай фермерар патал кардик квай программайрин сергьятра аваз госуьдартводини грантралди куьмек гунин, хизанрин малдарвилдин фермарил вилик тухунин, гьакъни хуьрерин чкайра жегьил хизанрин яшайишдин кьвалерин шартлар хьсанарунин месэляяр къарагьарна.

Кьилди къачуртла, Агьул райондин Чирагьрин хуьрряй тир фермер Омар Абакарова министрдивай вичин майишат вилик тухун патал грант къачунин карда куьмек гун тлалабна. Аграрийди республикадин дережада аваз кьиле тухузвай грантралди куьмек гунин конкурсда вичивай гьич са кьиле гьалибвал къазанмишиз жезвач лугьуз наразивал къалурна.

И месэладиз баян гайи РД-дин Минсельхозпромдин талукь тир управленидин руководитель Абзагьир Гьуьсейнова Омар Абакарова къарагьарзавай месэладин гьавурда вич лап хьсандиз авайди кьейдна ва фермердиз грант къачун патал лазим тир документар вахтунда ва дуьзгундаказ тукьлуьрунин патяхъай кьайгьу члугун меслят къалурна. Управленидин начальникди алава хьувурвал, Омар Абакаровавай, гьакъни республикадин хуьруьн майишатдин продукция гьасилзавай маса ксаривай грантралди куьмек гунин месэлярай Минсельхозпротдин пешекаривай меслятар къачуз жеда. Абзагьир Гьуьсейнова фермердиз арза кхей члавуз вичи лазим тир меслятар къалурдайди, министрди лагьайтла, Агьул райондин руководителривай чкадал справкаяр тукьлуьрунин карда куьмек гун тлалабдайди хиве кьуна.

Керимхан Абасова Рутул райондай тир Ватандин Чехи дявдин ветеран Ибрагьимпаша Садикьован хизандиз грант къачунин карда куьмек гунин месэла вичин кьетлен гуьзчивилик кутуна.

"Ватандин Чехи дяведа иштирак авур чи ватандашрин кьегьалвал неинки 9-майдиз, гьакъ амай йикъарани рикел хуьн чи виридан буржи я. Гьакъ хьайила, Ибрагьимпаша Султановичан тлалабун кьетленди я. Чна адаз чарасуз яз куьмек гун лазим я", - кьейдна министрди.

Унцукул райондин Гимри хуьруьн агъали Мегьамед Абдулаева террасайрин кьайдада лежбервал кьиле тухунин кьайдаяр гуьнгуьна хтунин карда куьмек гун тлалабна. Ада виликдай хуьре бандитрин яракьлу, законсуз тешкилатрин векилрин аксивал алудунихъ галаз алакьалу яз кьиле фейи вакъиярни рикел хкана, алай вахтунда гьалар пайгардик акат хьувунвайди, гьакъни чкадин агъалийри террасайрин кьайдада уьзумлухар кухтаз кланзавайди кьейдна.

Керимхан Абасова Гимри хуьруьн аграрийри лазим къадаяр чубукар ва кьелемар чара авунин, гьакъни террасаяр гьазурдай члавуз жедай харжияр мелиорация вилик тухунин программдин сергьятда аваз арадал хкунин месэладиз килигунин тапшургуь гана.

Министрдин патав Къаякент хуьрряй атай Исламутдин Алибегова "Каякентское" ГУП-дин руководстводин кьвалахдай кьил акьудун тлалабна. Адан гафаралди, карханадин дирекция Къаякент районда хуьруьн майишатдин метлеб авай чилер законсуздаказ кьунал машгьул жез им сад лагьай йис туш. Идалайни гьейри, ГУП-дин руководителди хсусиятдиз элкьуьрнавай чилерал гьич са кьвалахни тухузвач.

И месэладай баян гайи РД-дин Минсельхозпротдин правовой отделдин векил Руслан Агьмедова кьейд авурвал, винидихъ твар кьунвай ГУП-дихъ галаз алакьалу яз арадал атанвай гьалар гуьзчивилик кьва. Кьилди къачуртла, кархана силисдин органри ахтармишай члавуз 48 миллион манатдин пулар варазара авунвайди дуьздак акьуднава. Идахъ галаз алакьалу яз уголовный дело къарагьардайвал я.

Вичин нубатдай яз Керимхан Абасова алава хьувурвал, и агьвалатдай кьил акьудун патал махсус комиссия тешкилда ва ам Къаякент райондиз рекье твада.

Кьейд авун лазим я хьи, агъалийрилай атай вири 17 арзани министрди вичин гуьзчивилик кутуна.

Рехъ тукьлуьр хьувун хиве кьунва

10-августдиз Мегьарамдхуьруьн райондин Кьепир-Къазмайрин хуьре и хуьруьнни Кучун-Къазмайрин хуьруьн арада авай рекьин 3-3,5 километрдин участок цийикла тукьлуьр хьувунин месэла веревирдна.

Райондин агъалийрихъ галаз Дагавтодордин векилар гуьруьшмиш хьана. Республикадин метлеб авай рехъ тукьлуьрунин кьвалахар акьалтларун халкьдин векилри ва муниципальный властри жуьребажуьре ведомствойривай тлалабиз им сад лагьай сефер туш. Кьейд авун лазим я хьи, агъалияр Кьепир-Къазмайрилай яна фенвай рекьин участок авай гьалдилай чпин наразивал къалурун патал кватл хьанвайди тир. Рекьерин къуллугъди и участкада са шумуд йисан идалай вилик винел патал кьат алуднай, адан эвездай цийи ерилу асфальт цун хиве кьунвай.

Лагьана кланда хьи, жемьятдин собрание хуьруьн кьенепата кьиле фена, кьанунсуз гьич са жуьредин гьерекатризни рехъ гана.

МВД-дин къуллугъчийри рехъ агална ва собранида Росгвардиядин векилри иштиракна лугьуз соцсетра чукурнавай малуматар гьакъикьатдихъ галаз къазвай бур туш.

Собрание кьиле фидай члавуз общественный хатасузвал Россиядин МВД-дин Мегьарамдхуьруьн райондин кьенепатан крарин отделдин къуллугъчийри таьминарна.



Рикел хкин, 9-августдиз Мегьарамдхуьруьн райондин администрациядин дараматда администрациядин векилар Кьепир-Къазмайрин хуьруьн кьилихъ, хуьруьн собранидин депутатрихъ галаз гуьруьшмиш хьана. Виче талукь тир къурулушрин векилрини иштирак авур и гуьруьшдал рехъ тукьлуьр хьувунин месэладин патяхъай Дагавтодордин руководител Загьид Хучбаровлахъ галаз алакьаламиш хьунин кьарар къабулна. Рахунар кьиле тухвайдалай гуьгьуьниз Загьид Хучбарова Мегьарамдхуьруьн райондай атанвай делегация къабулна. А бур чкадал Дагавтодордин векилрин иштираквал аваз гуьруьш кьиле тухунин, агъалийрихъ яб акалунин ва кардин гьакъикьатдин гьавурда тунин икьардал атана. Мярекатда Мегьарамдхуьруьн райондин депутатрин собранидин председател Абубакар Ханмегьа-

медова ва общественный хатасузвилдин месэлярай муниципальный райондин администрациядин кьилин заместитель Зайнуддин Азимова, Дагавтодордин тварунихъай лагьайтла, и агентстводин автомобилрин рекьерин отделдин начальник Гьажу Умаханова ва агентстводин инженерди, гьакъни жавабдар маса ксари иштиракна.

Дагавтодордин векилрихъ элкьвена рахай райондин Собранидин председател Абубакар Ханмегьамедова рекьин и участкадихъ важиблу метлеб авайди кьейдна. Гьик лагьайтла и рекьин международный КПК-дихъ тухузва, кьайдадикай кхатай рекьер акурла, Россиядин Федерациядиз кьезвай кьецепатан уьлквейрин агъалийри чи уьлкведикай чурукла фикирда.

Мярекатдиз кватл хьанвайбуру Дагавтодордин векилривай Кьепир-Къазмайрилай Кучун-Къазмайрин кьевалди 3-3,5 километрдин рекьин участок ремонтна кьутягун истемишна. Дагавтодордин векилри гьиле авай йисан 25-августдалди чкадал талукь тир техника гун ва рекье кьир цунин кьвалахар гьиле авай йисан октябрдин эхирдалди акьалтларун хиве кьуна.



Къанажагьлувал къалурун

Ахцегь райондин центр хьвадай целди таьминарзавай "Леке-дере" водопроводдал аник ихтиярсудакказ кутунвай турбаяр хкунин кьвалахар давам жезва. Муниципалитетдин пресс-къуллугъди хабар гуьзвайвал, Ахцегь райондин УЖКХ-дин начальник Абдурагьман Эфендиеван регьбервилек кваз рабочийрин бригадади магистральный турбадик ихтиярсудакказ саки 195 чкадилай кутунвай турбаяр хкуднава.



"Кьилин турбадик и саягда ихтиярсудакказ турбаяр кутурла, агъалийрихъ хьвадай яд бес тахьун дуьшуьшдин кар туш", - лугьузва рабочийри. Кар анал алай хьи, водопроводдик турбаяр кутаз акьудзавай яд хьун патал ваь, саларни бустанар дигун патал ишлемиззава.

Ахцегь райондин кьил Осман Абдулкеримова муниципалитетдин активдин собранидал кьилин турбадик, садални алуьк тавуна чпин турбаяр кутазвай ксар административный рекьий жавабдарвиллиз члугвадайдан патяхъай тагькимарна ва райондин депутатрин Собранидин председател Абдулкерим Палчаевал и месэла кьевелай гуьзчивилик кутун тапшурмишна.

"Хьвадай яд салар-бустанар дигун патал ишлемиззавай члавуз гьаваяр лап зегьемзавай макьамда хьвадай цикай магьрум яз амуькьзавай кьунширикьайни фикир авун лазим я. Салар, багьлар дигидай яд къаналда ава. Кагьул тахьана, къанал михьи ая ва жуван салариз, багьлариз яд це. Къанажагьлувал къалурна", - лагьана О.Абдулкеримова Ахцегь райондин агъалийрихъ элкьвена.

Руслан Аскеров - Сурдлимпийададин чемпион

ДЗЮДО

Рагнеда РАМАЛДАНОВА

Са тимил вахт идалай вилик Туркиядин Самсун шегердай чав шад хабар агакна: вичин ери-бине Сулейман-Стальский райондин Агъа Сталдилай тир Руслан АСКЕРОВА Сурдлимпийададин (япарал залан тир спортсменрин Олимпиада) гатун XXIII кьугьунра дзюдодай 66 кг-дин заланвал авай спортсменрин арада чемпион-вилини твар къазанмишна. Зун



ягълмиш тушти, Руслан Аскеров чи халкъдин векилрикой и дережадин, 4 йисалай са сеферда кыле тухузвай, Олимпиададин кьугьунриз барабар тир спортдин важиблу акъажунра иштираклай ва гъалибвал къазанмишнавай сад лагъай спортсмен я. Аферин! Чна адаз спортдин рекъе къазанмишнавай виридалайни виниз тир дережадин шабагъ рикин сидкъидай тебрик-зава, уьмуьрдин гъар са кам бахт-луди хьун алхишзава. Чи кьегъалди къазанмишнавай агалкундик адан тренерар тир международный классдин мастер, пешекаррин арада дзюдодай дуьньядин чемпион (2006-йис, Франция) Тельман Къурбанован ва Шамил Алиеван лайихлу пайни квайдал шак алач.

Къейд авун лазим я хьи, чи ватандашдилай гъейри, Самсун шегерда кыле феи акъажунра Дагъустандай тир спортсменрикой мадни куда медалар къазанмишна: азадказ кьуршахар кьунай Аскар Аскар - кьизилдин, дзюдоистар тир Инна Танашева (52 кг), Къурбан Муртазалиев (90 кг), Мурад Мегьамедалиев (66 кг) ва тхэквондист Шамил Исаков гимишдин медалриз лайихлу хьана. **РИКИЕЛ ХКИН:** идалай вилик кыле феи Сурдлимпийадада дагъустанви спортсменрикой анжах кьве медал къазанмишиз алакнай. ИкI, Сурдлимпийададин кьугьунра Россиядин хянавай командади вири санлай 199 медал къазанмишна (абуркой 85 медал кьизилдинбуря), общекомандный зачетда РФ-дин хянавай команда 1-чкадиз лайихлу хьана. Уьлкведин твар гьундуьр дережадиз хажуник Дагъустандин кьегъалри чпин лайих-

лу пай кутунал чна мадни шадвал-зава.

Туркияда кыле феи кьугьунрин гъалибчийралди вири дагъустанвийри дамахвайди Махачкъаладин аэропортуник кьегъалар кьаршиламишиз атанвай ксари: республикадин физический культурадин ва спортдин министерстводин векилри, общественный ва политический деятелри, твар-ван авай спортсменри, гъалибчийрин багърийрини ярар-дустари иллаки ачухдаказ къейдзавай. Сулейман-Стальский райондин регъбер Нариман Абдулмуталибов кыле аваз

атанвай делегация, зи фикирдалди, районрай атанвайбурукой виридалайни чхехиди тир. И кардини чи



ватандашдин агалкундал чи халкъдин векилри лап рикивай дамахвайди кьалурзавайдал шак алач. Инал вич-вичелай арадал атай митингдал рахай РД-дин физический культурадин ва спортдин министрдин заместитель Зайнал Салаутдинова спортсменриз къазанмишнавай агалкундик тебрикна, абурухъ чандин сагъвал ва спортдин майданра мадни гъалибвилер къазанмишдай кьуватар хьун алхишна. Чемпиондин тварцихъ чми келимаяр Сулейман-Стальский райондин Кьил Нариман Абдулмуталибова, машгур спортсмен Мансур Исаева, Махачкъала шегердин спортдин, туризмдин ва жегъилрин крарин рекъай Комитетдин председател Марат Ибрагимова, Р.Аскерован тренер Тельман Къур-



банова ва адан буба Максим Аскеровани лагъана.

- Сурдлимпийадада гъалибвал къазанмишун Олимпиададин кьугьунрин гъалибвиле барабар я. Спортда кьуне къазанмишзавай гъар са агалкун - им сифте нубатда кьуне кьун винел гъар юкьуз зегмет члугунин, тренировкайра гъар юкьуз кьуне кыле тухвай кваллахдин нетижа я. Гъаниз килигна кьуне къазанмишзавай агалкундин тямни рикелай тефидайди я, - лагъана Мансур Исаева.

Шадвиле митингдал Нариман Шамсудиновични рахана, Р.Аскеровад ада баплах, япунжи ва гапур пишкешна.

- Чна чи Ватан вири дуьньядин кесерлу майданра машгурзавай чи спортсменрал ва абурун агалкунрал дамахва. Руслан Аскерован гъалибвиле чун спортдин рекъе, дугъриданни, къакъан куклушриз хкаж хьанвайди субутзава. Чун умудлу я, адан твар мад ва мад сеферра спортдин алемда ван къведа, ам мад ва мад сеферра пьедесталдин виниз тир кларцел хкаж жеда, - къейдна ада.

Са шумуд югъ идалай вилик чна Руслан Аскерован тренер Тельман Къурбановахъ галаз суьгъбетна.

- Руслан 3-классда клелзавай аял тир члавуз зи гъилик дзюдодай сифте яз вердишвилер къачуз атанай. Анлай инихъ тамам 15 йис алатнава. И йисара ада спортдин и жуьредай 5 сеферда Россиядин, Дагъустандин чемпионвиле тварар, 2012-йисуз дуьньядин чемпи-

онатда буюрунждин медал, Россиядин кубок патал акъажунра гъалибвилер къазанмишна, - рикел хкана тренерди. - Спортда зегмет члугунихъ еке метлеб ава, гъик хьи ви агалкунар вуна члугвазвай зегметдин нетижа я. Руслан лагъай-тIа, гъа сифте йикъарилай спортзалда еке зегмет члугваз алахъай жегъилрин жергеда ава. Чна адак кутунвай умудар жегъилди кылизи ни акъудна. Баркалла ахътин кьегъалриз!

Чаз, накъ, газет чапдиз вахкудайла малум хъайивал, Сурдлимпийадада къазанмишнавай агалкундай Тельман Къурбанов Россиядин лайихлу тренервиле, Руслан Аскеров спортдин лайихлу мастервиле тварар гун патал кьалурнава.

Чешне кьалурзава

КЪЕЗИЛ АТЛЕТИКА

Нариман КЪАРИБОВ

Дербент шегердин гьурметлу агъсакъалрикой сад тир Магъарам Гьасанханова, вичин яшлувиле килиг тавуна, спортдин са жерге жуьрейрай, иллаки кьезил атлетикадай къазанмишзавай агалкунрикой "Лезги газетдани" кьеней. Спортда ветерандин гьунаррикой мад сеферда клелзавайбур хабардар авунин лазимлувал ава. Гъик хьи, жуьреба-жуьре дережайрин акъажунра, турнирра, спортакиадайра (международный акъажунрани кваз) активилелди иштиракиз ада дербентвийра гъар сеферда шадарзава.

Ингъе, и мукъвал йикъара Белоруссиядин меркез Минск шегерда кьезил атлетикадай кыле феи ва чкадинбурухъ галаз санал Россиядин, Болгариядин, Венгриядин, Польшадин ва Румыниядин - вири санлай 600-далай гзаф спортдин ветеранди иштираклай акъажунра Россиядин команддик кваз экъечлай Магъарам Гьасанханова копье гадарунай 1-чка кьуна.

Къейдна кланда хьи, М.Гьасанханов кьезил атлетикадай, иллаки копье ва диск гадарунай, РФ-дин, Европадин ва СНГ-дин чемпион я.

Мадни хабар гуз кланзава, августдин вацра Калуга шегерда кьезил атлетикадай кыле фидай СНГ-дин ветерандин чемпионатдизни М.Гьасанханова рикивай гъазурвилер аквазва. Чна ветеранди и акъажунрани гъалибвал къазанмишун умудар кутунва.

“Къурагърин кьугьунар”



ЧИ КОРР.

Къурагъ райондин сайтда хабар ганвайвал, и мукъвара Къурагърин хуьруьн стадиондал спортдин милли жуьрейрай (члемерукрай пишанар ягъун, кьуватдин троеборье, дагъдин тик чкайрай чукурун, путар хкажун, канат ялун ва икI мад), “Къурагърин кьугьунар” лишандик кваз, Гъажимурад Бабаеван экуь къаматдиз бахшна, акъажунар кыле тухвана. Ана Агъул, Ахъеф, Докъузпара, Къурагъ, Сулейман-Стальский, Мегъарамдухуьруьн, Дербент, Къарабудахкент, Гуниб, Леваша районрай, Махачкъала, Дербент шегеррай ва Белиж посёлкдай тир 260-дав агакна спортсменри иштиракна.

Акъажунар ачухуниз талукъарнавай шад мярекатдал рахай Къурагъ райондин администрациядин килин заместитель Махач Хариева, ДГПУ-дин тарихдин факультетдин декандин заместитель, Махачкъала шегердин собранидин депутат Хиби Алиева, РД-дин культурадин ирс хуьнин рекъай агентствонин регъбер Заур Къагъриманова, Къурагъ райондин администрациядин физический культурадин, спортдин ва жегъилрин крарин рекъай отделдин начальник Рамиз Рамазанова ва масабур районда спорт вилик тухуниз еке фикир гузвайди къейдна. Абуру спортдин и жуьредин серенжемрихъ республикадин жегъилрин арада дуствал мягкемаруни, акъалтзавай несилриз дуьзгун тербия гуни, абур руьгъ ва беден сагълам яз члехи хуьнин ва мад са шумуд рекъай еке метлеб авайдаклай лагъана. Вичин рахунра З.Къагъриманова спортдин милли жуьрейрай Къурагъа къвед лагъай сефер яз кыле тухвай акъажунрин тешкилатчи ва спонсор тир Заур Бабаеван райондин центрадал спортдин сувар тешкилунай чухсагъул малумарна, ам гъар йисуз кыле тухунин умудлувал кьалурна.

Мярекатдал кватI хьанвайбурухъ элкьвена чими келимаяр тайский боксдай спортдин международный классдин мастер Заур Бабаевани лагъана.

Къизгъиндаказ ва пара итижлуказ кыле феи акъажунра 1-чкадиз Къарабудахкент райондин команда лайихлу хьана. Адаз кьиметлу кубокни пишкешна. Кивенквечи чкаяр кьур вири спортсменриз медалрихъни дипломрихъ галаз санал пулдин пишкешарни гана. Санлай къачурла, “Къурагърин кьугьунрин” фонд 300 агъур манатдикай ибарат тир.

Эхирдай Къурагъ райондин кьил З.Азизован тварунихъай “Къурагърин кьугьунар” акъажунрин тешкилатчи ва спонсор З.Бабаеван физический культура ва спорт вилик тухунай, жегъилрин арада спортдин кваллах активламышунай Чухсагъул малумарна.

понеделник, 21 августа

РГВК
07.00 Время новостей. Итоги
07.50 Передача на лезгинском языке «Вахтар ва инсанар»
08.30 Д/с «Вкус путешествий»
09.00 Х/ф «Мы, двое мужчин»
10.50 Театр поэзии представляет...

ПЕРВЫЙ

5.00 Доброе утро.
9.00 Новости.
9.20 Контрольная закупка.
9.50 Жить здорово!
10.55 Модный приговор.

РОССИЯ 1

08.07-08.10,08.35-08.41 Местное время. Вести-Дагестан.
11:40,14.40,17.20,20.45 Местное время. Вести-Дагестан.
17:40 «Голос Евразии на канале ГТРК «Дагестан». В/Ф «История персидского подворья». В/Ф «Ворота на Восток. ГТРК «Лотос» (Астрахань)

НТВ

5.05 Т/с «Адвокат».
6.00 Сегодня.
6.05 Т/с «Адвокат».
7.00 Деловое утро НТВ.
9.00 Т/с «Возвращение Мухоморова».

ДОМАШНИЙ

6.30 Жить вкусно с Джейми Оливером. (16+).
7.30 По делам несовершеннолетних. (16+).
7.55 Бодрый шаг в утро. (16+).

ТВ-ЦЕНТР

6.00 Настроение.
8.00 Тайны нашего кино. «Мужики!»
8.35 Детектив «Пять минут страха».

ЗВЕЗДА

6.10 Д/с «Легендарные полководцы». «Петр Багратион»
7.05 Х/ф «Как Иванушка-дурочок за чудом ходил»
9.00,13.00 Новости дня.

вторник, 22 августа

РГВК
07.00,08.30,12.30 Время новостей Дагестана
07.15 Передача на табасаранском языке «Мил»
08.00 Мультфильм
08.45 Д/с «Вкус путешествий»

ПЕРВЫЙ

5.00 Доброе утро.
9.00 Новости.
9.20 Контрольная закупка.
9.50 Жить здорово!
10.55 Модный приговор.

РОССИЯ 1

08.07-08.10,08.35-08.41 Местное время. Вести-Дагестан.
11:40,14.40,17.20,20.45 Местное время. Вести-Дагестан.
17:40 Республика.

НТВ

5.00 Т/с «Адвокат».
6.00 Сегодня.
6.05 Т/с «Адвокат».
7.00 Деловое утро НТВ.
9.00 Т/с «Возвращение Мухоморова».

ДОМАШНИЙ

6.30 Жить вкусно с Джейми Оливером. (16+).
7.30 По делам несовершеннолетних. (16+).

ТВ-ЦЕНТР

6.00 Настроение.
8.05 Доктор И...
8.35 Х/ф «Обыкновенный человек».

ЗВЕЗДА

6.10 Д/с «Освобождение».
6.45 Т/с «Подстава», 1 и 2 с.
9.00 Новости дня.
9.15 Особая статья.

среда, 23 августа

РГВК
07.00,08.30,12.30 Время новостей Дагестана
07.10 Передача на лакском языке «Аьрщи ва агьлу»
07.50 Мультфильм
08.45 Д/с «Вкус путешествий»

ПЕРВЫЙ

5.00 Доброе утро.
9.00 Новости.
9.20 Контрольная закупка.
9.50 Жить здорово!
10.55 Модный приговор.

РОССИЯ 1

08.07-08.10,08.35-08.41 Местное время. Вести-Дагестан.
11:40,14.40,17.20,20.45 Местное время. Вести-Дагестан.
09.00 «Шолом» (на татарском языке)

НТВ

5.05 Т/с «Адвокат».
6.00 Сегодня.
6.05 Т/с «Адвокат».
7.00 Деловое утро НТВ.
9.00 Т/с «Возвращение Мухоморова».

ДОМАШНИЙ

6.30 Жить вкусно с Джейми Оливером. (16+).
7.30 По делам несовершеннолетних. (16+).

ТВ-ЦЕНТР

6.00 Настроение.
8.05 Доктор И...
8.40 Х/ф «Дайте жалобную книгу».

ЗВЕЗДА

6.10 Д/с «Освобождение».
6.45 Т/с «Подстава», 3 и 4 с.
9.00 Новости дня.
9.15 Особая статья.

четверг, 24 августа

РГВК
07.00,08.30,12.30 Время новостей Дагестана
07.15 Передача на даргинском языке «Адамти ва замана»
08.00 Мультфильм
08.45 Д/с «Вкус путешествий»

ПЕРВЫЙ

5.00 Доброе утро.
9.00 Новости.
9.20 Контрольная закупка.
9.50 Жить здорово!
10.55 Модный приговор.

РОССИЯ 1

08.07-08.10,08.35-08.41 Местное время. Вести-Дагестан.
09.00 «Маданият» (на аварском языке)

НТВ

5.05 Т/с «Адвокат».
6.00 Сегодня.
6.05 Т/с «Адвокат».
7.00 Деловое утро НТВ.
9.00 Т/с «Возвращение Мухоморова».

ДОМАШНИЙ

6.30 Джейми у себя дома. (16+).
7.30 По делам несовершеннолетних. (16+).

ТВ-ЦЕНТР

6.00 Настроение.
8.00 Доктор И...
8.30 Х/ф «По улицам комод водили».

ЗВЕЗДА

6.10 Д/с «Легендарные флотоводцы». «Федор Ушаков».
7.05 Х/ф «Весенний призыв»
9.00 Новости дня.

пятница, 25 августа	РГВК	ПЕРВЫЙ	РОССИЯ 1	НТВ	ДОМАШНИЙ	ТВ-ЦЕНТР	ЗВЕЗДА	
	07.00, 08.30, 12.30 07.15 08.00 08.45 09.15 10.50 11.20 11.35 12.10 12.55 14.30, 16.30 14.50 16.50 18.30	18.45 19.30, 22.30 20.00, 23.00 20.20 20.50 21.20 21.50 23.20 00.10 00.30 01.00 01.35 23.20 00.10 00.30 01.00 01.35 02.20	5.00 9.00 9.20 9.50 10.55 12.00 12.15 13.20 15.15 16.00 17.00 18.00 18.45 19.50 21.00 21.30 11.55 11.55 14.55 17.00, 20.00 17.40 18.00 18.15 19.00 9.15 9.55 11.20 12.00 13.00 13.25 14.00 16.00 16.25 17.30 18.30 19.00 9.15 9.55 11.20 12.00 13.00 0.35 1.35 3.30 4.00 3.15	08.07-08.10, 08.35-08.41 Местное время. Вести-Дагестан. 11:40, 14.40, 17.20, 20.45 Местное время. Вести-Дагестан. 17:40 Мир Вашему дому 18.00 Дагестан спортивный 18.15 «Голос Евразии на канале ГТРК «Дагестан». В/Ф «Онон: связь времен и народов. ГТРК «Чита». 18.30 Вести-Дежурная часть. 5.00 9.00, 11.00, 14.00 9.15 9.55 11.55 14.55 17.00, 20.00 17.40 18.50 21.00 23.00 3.15	5.05 6.00 6.05 7.00 9.00 10.00 10.20 12.00 13.00 13.25 14.00 16.00 16.25 17.30 18.30 19.00 19.40 0.35 1.35 3.30 4.00	6.30 7.30 7.55 9.55 18.00 19.00 22.50 23.50 0.30 4.35 5.30	6.00 8.05 9.15 11.30 11.50 14.30 14.50 15.05 15.55 17.50 19.40 20.00 22.00 22.30 0.25 2.20	6.00 6.25 8.15 9.00 10.00 10.05 10.20 13.15 14.00 14.05 16.25 18.00 18.40 21.25 23.00 23.15 0.45 2.35 4.15
	07.00 07.15 08.00 08.45 09.20 10.15 10.45 10.55 11.20 11.50 12.00	12.40, 01.30 07.00 07.15 08.00 08.30 08.45 09.20 10.15 10.45 10.55 11.20 11.50 12.00	5.25 6.00 6.10 7.10 8.45 9.00 9.45 10.15 11.20 12.15 13.15 15.10 15.15 18.00 18.15 19.20 21.00 21.20 23.00 0.35 2.35 4.45	08.25 11:20 5.15 7.10 8.00 9.20 10.10 11.40 12.00 14.00 18.05 19.15 20.50 1.00 3.05	5.00 8.00 9.00 9.25 10.00 11.00 11.00 12.00 13.00 14.05 15.05 16.00 17.00 19.00 20.00 2.00 4.45	6.30 7.30 8.15 10.10 13.55 18.00 19.00 22.30 23.30 0.30 5.30	5.55 6.30 7.00 8.20 8.45 9.55 11.30 11.50 13.30 14.30 17.20 21.00 21.15 0.30 1.05 2.45 3.35 4.20	5.00 5.30 7.15 9.00, 13.00 9.15 9.45 10.30 11.00 11.50 12.35 13.15 14.00 17.00 18.00 18.10 18.25 19.20 21.00 23.00 23.15

суббота, 26 августа	РГВК	ПЕРВЫЙ	РОССИЯ 1	НТВ	ДОМАШНИЙ	ТВ-ЦЕНТР	ЗВЕЗДА
	07.00 07.15 08.00 08.30 08.45 09.20 10.15 10.45 10.55 11.20 11.50 12.00	12.40, 01.30 07.00 07.15 08.00 08.30 08.45 09.20 10.15 10.45 10.55 11.20 11.50 12.00	5.25 6.00 6.10 7.10 8.45 9.00 9.45 10.15 11.20 12.15 13.15 15.10 15.15 18.00 18.15 19.20 21.00 21.20 23.00 0.35 2.35 4.45	08.25 11:20 5.15 7.10 8.00 9.20 10.10 11.40 12.00 14.00 18.05 19.15 20.50 1.00 3.05	5.00 8.00 9.00 9.25 10.00 11.00 11.00 12.00 13.00 14.05 15.05 16.00 17.00 19.00 20.00 2.00 4.45	6.30 7.30 8.15 10.10 13.55 18.00 19.00 22.30 23.30 0.30 5.30	5.55 6.30 7.00 8.20 8.45 9.55 11.30 11.50 13.30 14.30 17.20 21.00 21.15 0.30 1.05 2.45 3.35 4.20

воскресенье, 27 августа	РГВК	ПЕРВЫЙ	РОССИЯ 1	НТВ	ДОМАШНИЙ	ТВ-ЦЕНТР	ЗВЕЗДА
	07.00 07.15 07.45 08.30 08.45 10.20 12.10 12.40 13.05 16.05 18.15	18.45 19.30, 22.30 20.20 20.45 23.20 01.00 01.45 02.10 02.35 04.15 04.30	5.45 6.00 6.10 8.00 8.20 8.50 10.10 10.30 11.10 12.10 12.50 13.35 16.15 17.15 19.00 21.00 21.30 23.30 0.30	5.00 7.00 7.30 8.20 8.50 9.20 9.30 11.00 11.30 14.00 14.30 20.00 21.45 0.15 1.15 3.20	7.00 8.00 8.20 9.25 10.00 11.00 11.55 13.00 14.05 15.05 16.00 16.20 19.00 20.10 21.10 21.55 23.00 3.40 4.05	6.30 7.30 8.45 14.10 18.00 19.00 22.35 4.30 6.00	6.05 7.40 8.15 8.50 10.55 11.30, 14.30 11.45 13.35 14.45 15.35 16.20 17.10 21.05 0.50 2.55

КУЛЬТУРА С 21 ПО 27 АВГУСТА	ПОНЕДЕЛЬНИК	ВТОРНИК	СРЕДА	ЧЕТВЕРГ	ПЯТНИЦА	СУББОТА	ВОСКРЕСЕНЬЕ	РАДИО
	7.00 10.00 10.20 12.00 12.40 13.35 14.50 15.00 16.20 17.05 18.10 18.35 19.15 19.30 19.45 20.30 21.55 23.30 23.45 0.40	6.30 10.00 10.20 11.55 12.35 13.30 14.00 14.40 15.00 15.10 15.40 17.05 18.10 18.35 19.15 19.30 19.45 20.30 21.55 23.30 23.45	6.30 10.00 10.20 11.55 12.35 13.30 14.00 14.40 15.00 15.10 15.40 17.05 18.10 18.35 19.15 19.30 19.45 20.30 21.55 23.30 23.45	6.30 10.00 10.20 11.55 12.35 13.30 14.00 14.40 15.00 15.10 15.40 17.05 18.10 18.35 19.15 19.30 19.45 20.30 21.55 23.30 23.45	6.30 10.00 10.20 11.55 12.35 13.30 14.00 14.40 15.00 15.10 15.40 17.05 18.10 18.35 19.15 19.30 19.45 20.30 21.55 23.30 23.45	6.30 10.00 10.20 11.55 12.35 13.30 14.00 14.40 15.00 15.10 15.40 17.05 18.10 18.35 19.15 19.30 19.45 20.30 21.55 23.30 23.45	6.30 10.00 10.35 12.20 13.05 13.50 15.30 16.00 17.50 18.35 19.35 22.05 23.55 1.40 1.55 2.40	6.30 10.00 10.35 12.10 12.50 14.10 14.50 16.25 18.00 18.30 19.15 20.00 21.25 22.05 2.25 1.55 2.40

